

مسرح المدينة في 2016/3/24



لجنة أهالي المخطوفين
والمفقودين في لبنان

مبارح دفنّا أم محمد هرباوي.. هبي من أوائل الامّات اللي تلّوعوا بخطف
ولادهنّ ببداية الحرب.. خبرتنا وقتا كيف غمرت "أحمدا" بأيديها وشدّتو
عاصدرا تا تحميه.. بس المسلحين عالحاجز ما رحموا ابن الـ 16 سنة ولا
رحموا توسلاتها ولا قبلوا ياخذوها بدالو ويتركوه..

قبلا بسنة تقريبا ماتت أم علي جبر...وقبلا أم عدنان حلواني.. وقبلن ماتت
أوديت سالم .. وغيرن كتار، اذا بدّي اذكرن واذكر مأساة كل وحدة منن
رح تقلّ عليكن ويمكن بكيكن.. نحنا قدّ ما اختبرنا طعمات الوجع ما
منتماه لحدّا!!

اللي بحب قولو انو الأهالي اللي ماتوا راحوا بلا ما يعرفوا شو صار
بولأذن... راحوا والحرقة بقلوبن .. راحوا من دون ما تتاخذ بصماتن
الجينية اللي بتساعد عالتعرف عا ولادن اذا رجعوا حتى ولو كانوا
رفات.. وهالقضية بلّشت تنتقل من جيل الى جيل...!!

بدّي اشكر أصحاب هالمبادرة من أجل مواطنون ومواطنات في دولة ،
واشكر دعوتكن إلي بمن وما أمثل..

لأنو أهالي المخطوفين والمفقودين قدروا يشكّلوا طائفة فريدة من نوعا بلبنان
كونا بتضم ناس من كل الطوائف والملل والمذاهب والمناطق و و و و..
لأنو نحنا من وقت ما تشكّلت طائفتنا ما كنا ولا رح نكون رعايا لأي
زعيم.. لأنو قضيتنا عصيّة على منشار التناش والتخاصص الطائفي
السياسي.. لأنو قضيتنا ما إلها حل طائفي ... بقيت معلّقة عم تجرر كل

هالسنيين.. وبقينا معلقين عا حبال المجهول، متروكين عا رصيف
الانتظار بس من دون ما نتخلي عن حقوقنا ولا كراماتنا..

مثل ما بتعرفوا، بعد أقل من شهر الحرب بتختم الـ 41 سنة.. وصار مارق
26 سنة على "نهايتها"، ودولتنا بعدا عم تهز وما وقفت عا اجريها، بل
العكس.. يوم ورا يوم عم نشهد كيف عم تتخر مؤسساتها (الدولة) من
جوا عا ايدين القيمين عليها.. كيف عم تتجوّف وعم تتهار على كافة
المستويات.. وفوق كل هالشي البلد محاط بزناار ملتهب ما منعرف أيمتي
نارو رح توصلنا (فعليا)!!

المبادرات كثيرة لوقف التدهور.. لدرء الخطر.. للانقاذ.... وهذا أمر حيوي
جيد..

أنا ما جيت اليوم، ولست في هذا الموقع، تا حطّ علامة لهالمبادرة سلبا
أم إيجابا.. ولا لتقييم أي مبادرة سبقت أو ستتبع.. جيت لأقول، باسمي
وباسم أهالي المفقودين، أن المعركة المريعة والشاقة اللي انفرضت علينا
واللي اضطررنا نخوضها عا مدار 35 سنة وبعدها لليوم، ولّدت عنا قناعة
ثابتة هي:

خلاصنا لن يأتي الاّ مع قيادة الدولة الحقيقية، القادرة، العادلة، الحامية
لناسها تحترم حقوقهم وتعاقبهم إذا ما أخلّوا بواجباتهم ... وهون متفقين
معن..

وبالتالي، وبالتأكيد، نحن من المطالبين بوجوب اجراء الانتخابات البلدية في وقتها (أيار الجاية).. علما أننا شاركنا في كل الحملات المدنية التي أطلقت ضد التمديد للمجلس النيابي الأول والثاني... (وهون متفقين)

بس نحن لا نتفق مع أي مبادرة لا ترى أن حل قضيتنا يشكل المدخل الالزامي للعبور الى الدولة.. خشبة الخلاص لكي تعود الدولة وتقف على رجليها وتتبعث من جديد.. دولة المواطنين والمواطنات.. دولة تتسع للجميع بدل شبه دولة يستوطي حيطها الجميع.

الحل العلمي المقبول بسيط وسهل التحقيق

على أمل أن نصبح على وطن

وداد حلواني